



UNIVERSITÄTS-
BIBLIOTHEK
PADERBORN

**Praxis Iurispatronatus Acquirendi, conseruandiq[ue] illud;
ac amittendi modos breuiter continens**

Viviani, Giuliano

Romae, 1620

Cap. 4. ponitur forma litterarum Ordinarij continentium institutionem.

[urn:nbn:de:hbz:466:1-61772](https://nbn-resolving.org/urn:nbn:de:hbz:466:1-61772)

CAPVT QVARTVM.

Ponitur forma litterarum Ordinarij continentium institutionem.

SVMMARIVM.

- 1 Forma litterarum continentium institutionem.
- 2 Forma Prouisionis Ordinarij.
- 3 Forma institutionis, quæ in Praxi seruatur in Capitulo Pisano.

1 **F**orma † autem litterarū Ordinarij, continentium institutionem factam, ponitur à Lambertino de iure patronat. lib. secundo, parte tertia, quæstione vndecima. art. 15.
2 & vlt. & forma † prouisionis factæ ab Ordinario ponitur, & declaratur à Rebuffo in sua praxi beneficiaria. folio mihi 32. in versic. forma collationis, & prouisionis Ordinariorum. Hic autem ponitur † forma, quæ in praxi seruatur à Capitulo Pisano.

IN DEI NOMINE.
Amen.

NOs Canonici Sanctæ Primatialis ecclesiæ Pisane (& ponuntur nomina omnium Dominorum de Capitulo presentium) Coadunati in loco nostri soliti Capituli in ecclesia sancti Rocchi, de mandato admodum Reuerendi Domini N. Archipresbyteri dictæ ecclesiæ Pisane per clericos Niccosiæ citati vna die pro altera, & pro hac hora, vt moris est facientes, & representantes sic coadunati totum Capitulum dictæ Ecclesiæ, pro tribunali sedentes in dicto loco: Visa in primis à nobis præsentatione facta ab Illustri viro Domino Iulio de Gualandis patricio Pisano patrono pro medietate, & ab Illustri viro Domino

R 2 Fla-

Flaminio de Vpezzinghis patricio Pisano patrono pro altera medietate, & ita patronis in totum iurispatronatus, & iuris presentandi Rectoris ad altare seu Capellaniam Cathedralis sancti Petri, sitam in dicta nostra ecclesia Pisana, vacantem per obitum venerabilis presbyteri Ioannis Garzonij ultimi, & immediati Rectoris eiusdem, de persona Venerabilis presbyteri Alexandri Balestrii clerici, & ciuis Pisani ad regimen, & rectoriam dictae Capellaniae, seu altaris Cathedralis sancti Petri modo superscripto vacantis; visaq; dicta presentatio dicti Alexandri coram nobis facta per dictos Dominos Iulium, & Flaminium, & visa acceptatione dicti Alexandri, vt supra presentati, & instantia de predictorum admissione, confirmatione, & dicti Alexandri institutione, & prout haec omnia in actis nostri Capituli adnotata sunt. Visaq; de praemissis admissione per nos facta, & commissione edicti in forma, dictiq; edicti emanatione, & affixione ad valuas dictae no-

strae ecclesiae Pisanae, & contentis in eis, & quod nullus in termino edicti, neque postea comparuit ad aliquid dicendum, vel opponendum, contra praedicta, & visa contumacia omnium citatorum, & in edicto comprehensorum accusata, constitoq; nobis ad dictos Dominos Iulium, & Flaminium spectare, & pertinere dictum iurispatronatus, & de eo esse in quasi possessione pacifica, vt per plures datas existentes in Archiuo nostri Capituli, & coram nobis exhibitas constat. Visiq; videndis, & consideratis considerandis, formaq; iuris, sacrorum Canonum styli, & consuetudinis nostri Capituli, omnibusq; inuentis rite concurrere: & demum visa, attestacione idoneitatis dicti Alexandri ab admodum Reuerendo Domino Vicario generali Illustrissimi, & Reuerendissimi, in Christo Patris, & Domini Domini Archiepiscopi Pisani, Insularum Corsicae, & Sardiniae Primatis, & in eis Legati nati emanata in forma authentica.

Iesu Christi Saluatoris nostri,

ftri, eiusq; Gloriosissimæ Mariæ, ac sancti Petri Principis Apostolorum, cuius glorioso nomine, & titulo dictum altare, seu Capellania decoratur, nominibus inuocatis, suprascriptam præsentationem per dictos Dominos Iulium, & Flaminium factam de persona dicti Alexandri ad rectoriam, regimen, & curam dicti altaris, seu Capellaniæ confirmamus, approbamus, & emologamus, ipsumq; Alexandrum in Rectorem, & Capellanum dicti Altaris, seu Capellaniæ Cathedræ sancti Petri, Iuriumq; & pertinentium eiusdem, cum omni plenitudine Iuris Canonici instituiamus, & ordinamus, curam, regimen, & administrationem bonorum omnium spiritualium, & temporalium eiusdem sibi plenariè & integrè committendo: de quibus omnibus, & singulis eundem Alexandrum coram nobis genuslexum existentem, & humiliter petentem per birreti capiti suo impositionem, idem multum Reuerendus Dominus N. Archipresbyter de præsentia, & consensu omnium nostrum

Praxis Iurispatron.

inuestiuit: qui Alexander ad delationem dicti Domini Archipresbyteri iurauit manu tactis scripturis in forma, quod erit fidelis, & obediens Capitulo nostro, nobis, & successoribus nostris, iura, bona, & honores dicti Altaris, seu Capellaniæ defendet, manutenebit, & augebit pro posse, & de eis nihil vèdet, aut alienabit sine nostra expressa licentia, & prout de iure. Inventarium quoque de bonis dicti Altaris, seu Capellaniæ conficiet, illudq; infra duos menses producet, & relaxabit in manibus Cæcellarij nostri Capituli, & de obseruâdis statutis, & consuetudinibus dictæ nostræ Pisane ecclesiæ. Quo circa committimus, & mandamus cuicumque presbytero nostræ ecclesiæ, quatenus ad dictum altare, seu Capellaniam accedat, ipsumq; Alexandrum, vel procuratorem suum eius nomine, seruatis seruandis in realem, actua- lem, corporalè, ac pacificam possessionem eiusdè Altaris, seu Capellaniæ, & annexorum ponat, immittat, & inducat, ac inductum manuteneat, & defendat, amoto

R 3 exin-

exinde quolibet illicito deten-
tore, ac faciat dicto Alexan-
dro, vel procuratori suo de
dicti Altaris, seu Capellaniae
ac annexorum praefatorum
fructibus, redditibus, prouen-
tibus, iuribus, & obuentioni-
bus vniuersis integrè respon-
deri ac omnia singula, & alia
dicat, & faciat in similibus
possessionsibus tradendis ne-
cessaria solita, & fieri consue-
ta. Mandantes &c. In quorū
fidem Acta fuerunt, hęc om-
nia Pisis in loco soliti Capi-
tuli dictorum dominorum.

Canonscorum in ecclesia san-
cti Rocchi coram, & praesenti-
bus ibidē venerabilibus pre-
sbyteris Gherardo Cepparel-
lio magistro scholarum dictae
Ecclesiae Pisanae, & Benedi-
cto de Sanguignis Cappella-
no dictae ecclesiae, ciuibus Pifa-
nis testibus, Dominicae Incar-
nationis Anno 1610. Indi-
ctione quarta stylo Pisano;
die vero decimanona mensis
Martij. Paulo Quinto Summo
Pontifice, & Sereniss. Cosmo
Secundo Medice Magno He-
truriae Duce IIII. domināte.

Locus ✠ Sigilli.

*N. Cancellarius dicti Capituli de
mandato subscripsit.*

FINIS SECVNDAE PARTIS.



PRA-